

**Uunga siunnersuut: Meeqjanik pinerliisimannginnermut uppernarsaatnik
piumasaqaateqartussaatitaaneq pillugu Inatsisartut inatsisaata allanngortinnera pillugu
Inatsisartut inatsisaat.**

pillugu

Inatsisinut Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Anders Olsen, Siumut, siulittaasoq
Inatsisartunut ilaasortaq Aqqalu Jerimiassen, Atassut, siulittaasup tullia
Inatsisartunut ilaasortaq Mala Høy Kúko, Siumut
Inatsisartunut ilaasortaq Harald Bianco, Inuit Ataqatigiit
Inatsisartunut ilaasortaq Asii Chemnitz Narup, Inuit Ataqatigiit

Oktobarip ulluisa arfernanni 2022-mi siullermeerinninnerup kingorna ataatsimiititaliap siunnersuut oqaluuseraa.

Siunnersuutip imarisaa siunertaalu

Aalajangiiffigisassatut siunnersuutip UKA2019/49-p Inatsisartunit
akuersissutigineqarnera tunngavigalugu siunnersuut saqqummiunneqarpoq, tassanilu
meeqjanik pinerliisimannginnermut uppernarsaatip piniartarneranut pisussaaffik pillugu
Inatsisartut inatsisaanni meeqqat ukiuisa 15-init 18-init qaffanneqarnissaa siunertaavoq.

Siunnersuut naapertorlugu atuutilerneraniit inunniq atorfinititsinermi imaluunniit
sulilersitsinermi, sulisut suliaqarnerminnut atatillugu inunniq 18-it inorlugit ukiulinnik
toqqaannaq attaveqartartussaatillugit aamma inuit suliaqarnerminnut atatillugu inuit 18-it
inorlugit ukiullit aalajangersimasumik akornanniittartussaasut, taamatullu taakku meeqqat
toqqaannaq attaveqartarunik, meeqjanik pinerliisimannginnermik uppernarsaammik
piniartoqartassaaq.

Ullumikkut 15-inik ukiulinnut killeqarpoq.

Oqartussani, suliffeqarfintti, atuarfinni aamma peqatigiiffintti il. il. aalajangersimanerusuni atorfinnermi imaluunniit sulilernermermi meeqqanik pinerliisimannginnermik upternarsaammik piniartussaatitaaneq taamaallaat suli atutissaaq. Taamaattoq siunnersuutikkut pisussaatinneqartut amerlineqassasut: Taamaalilluni meeqqanik sullissaqartut angallassinermi toqqaannartumik meeqqanik angallassinermut tunngatillugu sulilerneranni aamma meeqqanik pinerliisimannginnermут upternarsaammik piniartoqartalissaq.

Meeqqanik pinerliisimannginnermут upternarsaat inunnut 18-it inorlugit ukiulinnut kinguaassiuititigut pinerlussimanerannut ersarinnerusumik allassimasoqartarnissa aamma siunnersuummi allassimavoq. Ullumikkut aamma matumani 15-inik ukiulinnut killeqartinneqarpoq.

Meeqqanik pinerliisimannginnermут upternarsaat kinguaassiuititigut pinerlussimanernik qanoq ittunik nalunaarsueriaatsimik nutarterinissamik ilaatigullu allannguinissamik siunnersuut aamma imaqarpoq. Tamassumap pinerluttulerinermi inatsimmi immikkoortup kinguaassiuititigut pinerlunnernut tunngasup 2019-imi allanngortinneqarneranik aallaaveqarnera pingartumik maluginiarneqassaaq.

Inatsisartuni siunnersuummik siullermeerinninneq

Timersorluni unammiisoqartillugu kinguaassiuititigut pinerliisoqaratarsinnaanerata minnepaaffimmittinniarlugu timersortartunut aamma meeqqanik pinerliisimannginnermik upternarsaammik piniartalertussanngorlugit siunnersuutigineqartoq annertunerulersinnejarsinnaanera siullermeerinninermi eqqartorneqarpoq.

(Tamatuma saniatigut upternarsaammi allassimasoqartillugu sulilersitseqqusaannginnerup eqqunneqarnissaanik periarfissat kiisalu unioqqutitsisoqarsimatillugu pillaatit sakortunerulersinnissaannut periarfissat eqqartorneqarput. Taakkuali isumaliutit Inatsisartut inatsisaata inatsisissatullu siunnersuutip matuma avataaniimmata, isumaliutissiisummi matumani sukumiinerusumik sammineqassanngillat. Inummik 18-it inorlugit ukiulimmik pinngitsaaliilluni atoqateqarnermut imaluunniit allatut kinguaassiuititigut tunngasumik pinngitsaaliinernut tunngasunut pillasarnerup qaffasissusaanut tunngatillugu UKA2021-mi pineqaatissinnejartarnerup 50%-imik qaffanneqarnera eqqaasitsissutigineqassaaq. Meeqqanik kinguaassiuititigut pinerlunnernut suliat ilaat pineqaatissiisutigineqartarneri qaffaanerup kinguneranik toqtsisimasut pineqaatissinnejartarnerisa qaffaseqataanik inissinnejarput.)

Naalakkersuisunut apeqqutit

Siullermeerinninneq tunngavigalugu siunnersuummik annertunerulersitsinissamut periarfissat

pillugit, timersorluni unammisoqartillugu kinguaassiuutitigut pinerliisoqaratarsinnaanerata minnerpaaffimmittinniarlugu timersortartut aamma meeqqanik pinerliisimannginnermik uppermarsaammik piniartalertussanngorlugit siunnersuutip ilaneqarsinnaanera ataatsimiititaliamit Naalakkersuisunut apeqqutigineqarpoq. Apeqqutit Naalakkersuisullu akissutaat ilanngussaq 1 aamma 2-tut kakkiunneqarput.

Ataatsimiititaliap siunnersuummik suliarinninna

Meeqqanik pinerliisimannginnermik uppermarsaammik pissarsiniartarneq pillugu maleruagassat atuuttut pinerlussimasunik nalunaarsuiffik pillugu nalunaarummi inatsimmik tunngaveqartariaqartut Naalakkersuisut ataatsimiititaliamut akissuteqaatiminni innersuussutigaat. Tamatumunnga nangillutik Naalakkersuisut ima allapput:

"Taamaasillunilu Pinerlussimasunik Qitiusumik Nalunaarsuiffik pillugu nalunaarummi qitiuvoq paasissutissanik ingerlatitseqqittarneq meeqqanik pinerliisimannginnermik uppermarsaatikkut pisartoq tunngaveqartussaasoq atorfeqarnermik imaluunniit sulisorineqarnermik atuuttumik. Tamanna atuuttanngilaq inunnut timersoqatigiiffimmut ilaasortanngortumut solorarnermik, assammik arsarnermik imaluunniit arsaattarnermik sammisaqarnissamik siunertaqarluni. Taamaattumik akuersissuteqanngilaq Inatsisartut inatsisaanni malittarisassiorsinnaanermut meeqqanik pinerliisimannginnermут uppermarsaammik piniartarsinnaanermut timersornermik ingerlatsisuusunut, suliaqarnermут attuumassuteqanngitsunut, akissarsiaqarluni akissarsiaqaraniluunniit."

Ataatsimiititaliap inassuteqaatai

Timersortartut peqatigiiffiini meeqqanik pinerliisimannginnermik uppermarsaammik piniartoqartarnissaanut unammilligassanik qaangiiniarnermi Naalakkersuisut Kalaallit Nunaanni Timersoqatigiit Kattuffiannik oqaloqatiginninniarnissaannut ataatsimiititaliaq kaammattuuteqassaaq. Tassunga ilaliullugu, Naalakkersuisut Kalaallit Nunaanni Timersoqatigiit Kattuffiannik oqaloqateqarnerminni unammiarnermi imaluunniit aaqqissuussani assingusuni atornerlusoqarsinnaaneranut aalajangersimasunik ersarissunillu malittarisassaqarnerup pinaveersaartitsinermut tapertaasinnaanerata qulaajarniarneqarnissaa ataatsimiititaliamit kaammattutigineqassaaq. Assersuutigalugu unammiartoqartillugu assingusunilluunniit aaqqissuussaqartillugu, inersimasut peqataasut amerlassusissaannut tunngasut oqaluuserineqarsinnaapput.

Taama oqaaseqarluni ataatsimiititaliap isumaqatigiittup siunnersuutip akuersissutigineqarnissaa inassutigaa.

Taama oqaaseqarluni ataatsimiititaliap siunnersuut aappassaaniigassanngortippaa.



Anders Olsen
Siulittaasoq



Aqqalu Jerimiassen
Siulittaasup tullia



Mala Høy Kúko



Harald Bianco



Asii Chemnitz Narup